

### **BANK ISLAM BEKERJASAMA DENGAN YAYASAN DIDIK NEGARA**

*Menyokong peranan Kementerian Pendidikan Malaysia (KPM) dalam menyediakan keperluan pendidikan negara*

**SEREMBAN, NEGERI SEMBILAN, Sabtu, [1 April 2023]:** Bank Islam Malaysia Berhad (Bank Islam) semalam mengadakan majlis pertukaran memorandum persefahaman (MoU) dengan Yayasan Didik Negara (YDN) bagi menyokong peranan KPM dalam menyediakan keperluan pendidikan negara.

Menteri Pendidikan, YB Fadhlina Sidek hadir menyaksikan pertukaran MoU yang disempurnakan oleh Ketua Pegawai Eksekutif Kumpulan Bank Islam, Mohd Muazzam Mohamed dan Ketua Pegawai Eksekutif YDN, Hardian Hadir.

Ketua Pegawai Eksekutif Kumpulan Bank Islam, Mohd Muazzam Mohamed, berkata, "Selaras dengan usaha kami mendahulukan kesejahteraan untuk semua, Bank Islam bekerjasama dengan KPM melalui YDN dalam menyalurkan sumbangan dan bantuan kepada kumpulan sasaran seperti murid, pendidik, sekolah dan institusi pendidikan di bawah kementerian tersebut bagi meningkatkan akses dan kualiti pendidikan."

Jalinan kerjasama sulung yang dimeterai dengan YDN ini juga membolehkan Bank Islam memainkan peranan yang aktif dalam menyokong aspirasi negara untuk membentuk dan meningkatkan tahap pendidikan negara.

Selain itu, Bank Islam juga akan melaksanakan Projek Rintis Komuniti Tanpa Tunai di 10 Institut Pendidikan Guru Malaysia (IPGM) terpilih di seluruh negara yang bermula pada tahun ini.

Projek Komuniti Tanpa Tunai ini merupakan usaha Bank Islam dalam menggalakkan penggunaan pembayaran tanpa tunai atau penggunaan Kod QR dalam transaksi pembelian. Ia dijangka memberi manfaat kepada lebih 113,000 warga IPGM terlibat.

Program tanpa tunai ini dijangka akan diteruskan di semua 17 IPGM lain agar akses pembayaran tanpa tunai dapat dinikmati oleh kesemua warga IPGM.

“Usaha ini sejajar dengan peranan Bank Islam dalam menggalakkan dan menyokong aspirasi negara untuk membentuk masyarakat tanpa tunai.” ujar Mohd Muazzam.

Di majlis tersebut, Bank Islam juga menyampaikan sumbangan berjumlah RM10,000 kepada 100 anak yatim sekitar Seremban, Negeri Sembilan.

---

**About Bank Islam Malaysia Berhad (Registration No [198301002944(98127-X)])**

Bank Islam is Malaysia's first publicly listed Islamic Bank on the Main Market of Bursa Malaysia. Established in July 1983 as Malaysia's first Islamic Bank, Bank Islam has 135 branches and over 900 self-service terminals nationwide. As a full-fledged and pure-play Islamic bank, Bank Islam provides banking and financial solutions that strictly adhere to the Shariah rules and principles and are committed to the ideals of sustainable prosperity and ESG values. The core subsidiaries of the Bank Islam Group are pioneers in various Islamic financial services, including investment and stockbroking, namely BIMB Investment Management Berhad and BIMB Securities Sdn Bhd. For more information on the Group's products and services, visit [www.bankislam.com](http://www.bankislam.com).

**For further information, please email Bank Islam Group's Media Relations team at:**  
[MediaRelationsEditorial@bankislam.com.my](mailto:MediaRelationsEditorial@bankislam.com.my).